



Údarás na  
Gaeltachta

# Oifigeach Oiliúna agus Oideachais Connacht Laighean

Ardoifigeach Feidhmiúcháin - Post Buan



Leabhrán Faisnéise larrthóra

Spriocdháta: 4 i.n Dé hAoine, 28 Feabhra 2025

Faoi Rún



Rialtas na hÉireann



Údarás na  
Gaeltachta

Tá Údarás na Gaeltachta ag reáchtáil comórtais le duine a cheapadh sa phost:

## Oifigeach Oiliúna agus Oideachais Connacht Laighean

<b>Grád:</b>	Ardoifigeach Feidhmiúcháin
<b>Áit:</b>	Ardoifig an Údaráis sna Forbacha, Co. na Gaillimhe
<b>Bunús:</b>	Post lánaimseartha buan
<b>Spriocdháta:</b>	4 i.n Dé hAoine, 28 Feabhra 2025
<b>Tuarastal:</b>	€57,122 - €71,939*

\*Is féidir go n-íocfar incrimint fadseirbhíse tar éis 3 (IFS1) agus 6 (IFS2) bliana de sheirbhís shásúil ag an bpointe is airde ar an scála

Sa chás go dtiocfadh folúntais chun cinn le linn shaolré an oird fiúntais, forchoimeádann Údarás na Gaeltachta an cead poist den chineál lúaite san fhógra seo a thairiscint ar bhonn thorthaí an chomórtais seo. Mairfidh an painéal seo dhá bhliain.

Tá Údarás na Gaeltachta tiomanta do bheartas comhionannas deise.

Reáchtálfaidh Údarás na Gaeltachta an feachtas seo agus iad ag cloí leis an gCód Cleachtais i gcomhair Ceapacháin chun Post sa Státseirbhís agus sa tSeirbhís Phoiblí arna ullmhú ag an gCoimisiún um Cheapacháin Seirbhise Poiblí (CPSC) a bhfuil fáil air ag [www.cpsc.ie](http://www.cpsc.ie)

### Teagmhálaí:

An Feidhmeannach Acmhainní Daonna,  
An Rannóg Acmhainní Daonna,  
Údarás na Gaeltachta,  
Na Forbacha,  
Co. na Gaillimhe.  
Teil: (353) 91 503100  
R-phost: [foluntais@udaras.ie](mailto:foluntais@udaras.ie)  
[www.udaras.ie](http://www.udaras.ie)

Cé gur glacadh gach cúram réasúnta lena dheimhniú go bhfuil an doiciméad seo cruinn, d'fhéadfadh athrú teacht ar an eolas seo.

---

Ní féidir an t-ionlán ná aon chuid de na nótaí eolais seo a thabhairt d'aon tríú páirtí ná a fhoilsiú gan chead i scribhinn uainne roimh ré.



LE CEAPADH

## Oifigeach Oiliúna agus Oideachais - Connacht Laighean

### Léargas

Bunaíodh Údarás na Gaeltachta ("An tÚdarás") sa bhliain 1980, faoin Acht um Údarás na Gaeltachta, 1979. Achtaíodh dhá Phríomh-Acht leasaithe ó shin: an tAcht um Údarás na Gaeltachta (Leasú) (Uimh. 2), 1999, agus Acht na Gaeltachta 2012. Tá an ghníomhaireacht Stáit seo freagrach as forbairt teanga, cultúir, shóisialta agus eacnamaíoch na Gaeltachta a chur chun cinn.

Tá dualgas ar an Údarás freisin cloí le raon de cheanglais reachtúla agus riarracháin eile de chuid an Stáit agus de chuid an Aontais Eorpaigh (AE).

Is é misean an Údarás pobal agus geilleagar fuinniúil, rathúil, inbhuanaithe Gaeltachta a fhorbairt agus ar an mbealach sin úsáid na Gaeilge mar phríomhtheanga phobal na Gaeltachta a chothú, a neartú agus a bhuanú.

Déanann Bord rialaithe ar a bhfuil Cathaoirleach agus 11 ghnáthchomhalta arna gceapadh ag an Aire Turasóireachta, Cultúir, Ealaíon, Gaeltachta, Spóirt agus Meán, mar aon le foireann de thart ar 80 duine, sainchúram forbartha na gníomhaireachta a chur i bhfeidhm.

### Cuspóirí Teanga agus Cultúir

Faoi mar atá leagtha síos sa reachtaíocht, cinntíonn an tÚdarás gurb í an Ghaeilge a úsáidtear an oiread agus is féidir nuair a bhíonn sé ag comhlíonadh a chuid feidhmeanna nó nuair a chomhlíontar a fheidhmeanna thar a cheann.

Bíonn caomhnú agus cur chun cinn na Gaeilge ag croílár ghníomhaíochtaí uile na heagraíochta. Cuireann An tÚdarás maoiniú ar fáil do réimse gníomhaíochtaí straitéiseacha teanga agus cultúir agus tacaíonn sé leis an teanga go díreach trí ghnásanna na heagraíochta féin.

Comhoibríonn an tÚdarás le daoine aonair, le grúpaí pobail agus le cuideachtaí a chothaíonn an Ghaeilge agus a chuireann timpeallacht leanúnach ar fáil inar féidir leis an teanga dul i dtreis. Tacaíonn An tÚdarás le roinnt gníomhaíochtaí teanga ar leith lena n-áirítear:

- An clár tacaíochta don phróiseas pleánaí teanga;
- An clár tacaíochta do chur chun cinn na Gaeilge ina chiantchomhlachtaí;
- Naónraí agus seirbhísí cúram leanáí eile a fheidhmíonn trí Ghaeilge;
- Soláthar cúrsaí tríú leibhéal agus gníomhaíochtaí forbartha oideachais, teanga, óige agus pobail trí Ghaeilge;
- Ionaid foghlama teanga phobalbhunaithe;

---

Níos leithne fós, cuireann an tÚdarás earnáil na Gaeilge chun cinn sa Ghaeltacht trí thacú le deiseanna gnó. Cuireann an tÚdarás comhairle agus cúnamh praiticiúil ar fáil freisin le dearadh dearfach ar an nGaeilge a chinntí i gcuideachtaí a fhaigheann deontais ón Údarás agus iad suite i limistéir Ghaeltachta. Spreagtar na cuideachtaí sin le gníomhaíochtaí a chothú go hinmheánach agus sa phobal áitiúil le húsáid na Gaeilge a chur chun cinn.

Faoi Acht na Gaeltachta, 2012, tugadh feidhm reachtúil don Údarás maidir leis an *Straitéis 20 Bliaín don Ghaeilge 2010-2030* a chur i bhfeidhm. San áireamh ansin tá próiseas pleanála teanga do gach ceantar Gaeltachta. Faoi Acht 2012, ainmníonn an tAire Limistéir Pleanála Teanga Ghaeltachta agus ní mór pleananna teanga a aontú leis na pobail sna limistéir sin, de réir Chritéir Pleanála Teanga a shonraítéar san Acht (Alt 12) agus sna Rialacháin um Acht na Gaeltachta, 2012 (Alt 12), 2013. Tá ról sonraithe do Bhailte Seirbhísé Gaeltachta maidir le seirbhísí poiblí a sholáthar do na limistéir sin freisin ach pleananna teanga a bheith aontaithe leis na pobail áitiúla. Oibríonn an tÚdarás go dlúth le Foras na Gaeilge ó thaobh fheidhmiú an phróisis pleanála teanga i gcás na mBailte Seirbhísé Gaeltachta, i gcomhar leis an Roinn Turasóireachta, Cultúir, Ealaón, Gaeltachta, Spóirt agus Meán.

## Cuspóirí Eacnamaíochta

Aithnítear gurb é forbairt an bhoinn eacnamaíochta trí fhostaíocht a chruthú an bealach is fearr leis an daonra sa Ghaeltacht a chaomhnú agus a threisiú, agus gur ar an mbonn sin a dhéanfar an teanga a chaomhnú agus borradh a chur fúithi, rud atá mar chuid lárnach den *Straitéis 20 Bliaín don Ghaeilge 2010-2030*.

Cuidíonn an tÚdarás le daoine sna pobail Ghaeltachta acmhainní áitiúla a fhorbairt. Lena chois sin, meallann an tÚdarás infheistíocht chuig an nGaeltacht trí réimse dreasachtaí a chur ar fáil d'fhiontair nua agus trí thacaíocht agus cúnamh a chur ar fáil do gnólachtaí atá ann cheana féin.

Cuidíonn an eagraíocht le gnólachtaí agus iad ag forbairt margáí, teicneolaíochtaí, táirgí agus comhaontais straitéiseacha nua trí thaighde agus forbairt. Feidhmíonn na cuideachtaí atá lonnaithe sa Ghaeltacht i raon leathan earnálacha tráchtála lena n-áirítear an turasóireacht, próiseáil éisc agus uisceachaothrú, fuinneamh in-athnuaithe, bia, eolaíochtaí na beatha, teicneolaíocht faisnéise agus chumarsáide, déantúsaíocht nideoige, gnóthaí closamhairc agus na meáin dhigiteacha, na healaíona, gnóthaí cultúrbhunaithe agus ceardaíocht.

Tá punann foirgneamh tionsclaíoch nua-aimseartha, páirceanna gnó agus eastáit tionsclaíochta agus ionaid eile ghnó ag an Údarás chomh maith.

Tá os cionn 9,500 duine fostaithe i gcliantchuideachtaí de chuid an Údaráis, idir fhostaíocht pháirtaimseartha agus fhostaíocht lánameartha. Tá an tÚdarás ag féachaint le cur leis an bhfostaíocht trí chuidiú le muintir na Gaeltachta a gcuid scileanna agus a gcuid saineolais a fhorbairt. Bíonn cláir fhairsinge oiliúna agus oideachais á dtairiscint ag an Údarás do ghrúpaí, do dhaoine aonair agus do chuideachtaí.

Mar aon le gnólachtaí dúchasacha, tá infheistíocht déanta ag cuideachtaí as na tíortha seo a leanas sa Ghaeltacht: an Bheilg, Ceanada, an Fhionlainn, an Fhrainc, an Ghearmáin, an Iorua, an Ríocht

---

Aontaithe agus na Stáit Aontaithe. Baineann éagsúlacht fiontar le cliantchuideachtaí an Údarás ó ghnólachtaí beaga ceardaíochta go cuideachtaí nua-aimseartha ilnáisiúnta.

## Misean Sóisialta

Déanann An tÚdarás freastal ar chomharchumainn phobail agus ar chomhlachtaí forbartha pobail sa Ghaeltacht. Cothaítear chomh maith na heagraíochtaí deonacha a chuireann an chomhairle, an cúnamh agus an chabhair airgid ar fáil a thacaíonn leis na grúpaí pobail sin.

Chomh maith leis sin, oibríonn an tÚdarás go dlúth le grúpaí pobail chun scéimeanna fostáiochta sóisialta a riadar, le clubanna óige agus grúpaí réamhscoile agus iarscoile a bhainistiú, agus le cur leis an mbonneagar sóisialta le gníomhaíochtaí cúnaimh a chur ar fáil do dhaoine aosta agus daoine faoi mhíbhuntáiste.

## Cur Chuige Straitéiseach

Leanann Plean Straitéiseach Údarás na Gaeltachta an cur chuige comhpháirtíochta Eorpach, lena mbaineann réimse leathan de rannpháirtíocht phoiblí, phríobháideach agus phobail. Is é an aidhm atá leis ná cothromaíocht a aimsiú idir cuspóirí eacnamaíochta agus riachtanais shóisialta agus chultúir.

Tá dhá príomhthéama ag baint le Plean Straitéiseach an Údarás faoi láthair:

- Tacú le hacmhainní teanga, pobail agus cultúir agus forbairt a dhéanamh orthu, agus
- Nuálaíocht a chothú agus iomaíochas a fhorbairt trí fhiontraíocht agus acmhainní daonna.


Déantar monatóireacht agus athbhreithniú ar an straitéis ar bhonn leanúnach lena chinntiú go mbaineann An tÚdarás a chuspóirí amach le linn thréimhse an Phlean.

## An Todhchaí

Tá athruithe móra tarlaithe agus ag tarlú sa timpeallacht ina bhfuil An tÚdarás ag feidhmiú. I measc na n-athruithe sin áirítear:

- Timpeallacht eacnamaíoch atá de shíor ag athrú: cruthaíonn an téarnamh eacnamaíoch atá ag tarlú ar bhonn domhanda agus go háitiúil deiseanna agus dúshláin nua;
- An ról lárnach atá leagtha ar an Údarás i dtaca leis an Straitéis 20 Bliaín don Ghaeilge 2010-2030 a d'fhoilsigh an Rialtas i mí na Nollag 2010 agus as ar éirigh athstruchtúrú agus leasuithe foirne san Údarás chun tabhairt faoi na cúramí agus na dúshláin nua atá i gceist;
- Acht na Gaeltachta, 2012 agus leasuithe ar Acht na dTeangacha Oifigiúla, 2003;
- Rialachas Corparáideach atá treisithe go mór maidir le feidhmeanna tráchtála agus poiblí le blianta beaga anuas;
- Béim ar sheirbhísí, idir sheirbhísí trádála idirnáisiúnta agus sainseirbhísí ar nós tionscadail theangabhunaithe mar fhoinse fostáiochta nua;
- Riar níos mó den fhostaíocht á chruthú ó scileanna a bhíonn bunaithe ar eolas agus ar inniúlachtaí;
- An Breatimeacht agus timpeallacht nua Eorpach agus idirnáisiúnta i gcoitinne.

## Struchtúr na hEagraíochta



## An Ról agus an Duine

Tá an post mar Oifigeach Oiliúna agus Oideachais le comhlíonadh mar chuid dílis de chuid struchtúr foirne na Rannóige Taighde agus Forbairt Earnálacha.

Is é cuspóir na Rannóige TFE ná roinnt beartais agus tionscadail straitéiseacha a chumadh, a dhearadh agus a fheidhmiú a chuideodh le mór-spriocanna forbartha straitéiseacha na heagraíochta a bhaint amach.

San áireamh anseo tá clár forbartha oideachais agus oiliúna de chuid Údarás na Gaeltachta gur fiú os cionn €1.5 milliún é don mbliain reatha.

Faoi struchtúr foirne na Rannóige TFE, beidh an ról seo sain-aitheanta chun cúram ar leith a dhéanamh de riadar agus bainistiú na scéimeanna agus na beartais éagsúla atá á maoiniú faoin gClár Oiliúna agus Oideachais i Réigiún an Iarthair. Tá Oifigigh Forbartha eile in áit faoin struchtúr seo atá ag plé leis na réigiúin eile sa Tuaisceart agus sa Deisceart maidir le riadar agus bainistiú an chláir.

Tá scéimeanna éagsúla á reáchtáil againn atá sain-dírithe orthu siúd atá ag iarraidh gnóthaí a bhunú agus a fhorbairt; ar na fiontair pobail agus ar na Comharchumann Pobail, ar phobail na scoileanna Ghaeltachta agus ar chumasú daoine i réimse agus in earnálacha éagsúla forbartha a bhfuil dlúthbhaint acu le forbairt comhlánach na Gaeltachta.

Mar chuid den gclár oibre a bheidh le comhlíonadh ag an té a cheapfar, beidh an tOifigeach Oiliúna agus Oideachais ag obair go dlúth leis an Rannóg Cumarsáide chun comhordú a dhéanamh ar na beartais margáiochta agus fógraíochta a bheidh le cur in áit i ngeall ar riadar an Chláir Oiliúna agus Oideachais go náisiúnta. Tá sé riachtanach go mbeadh an t-iarrthóir rathúil in ann cumarsáid éifeachtach a dhéanamh i nGaeilge agus i mBéarla, agus tuiscint mhaith acu ar an tábhacht a bhaineann le cumarsáid shoiléir agus chomhsheasmhach i gcur chun cinn na gclár.

Is í an Ghaeilge teanga oibre na heagraíochta.

- Beidh an post seo lonnaithe in Ardoifig an Údaráis sna Forbacha, Co. na Gaillimhe

Tá Polasaí Obair Chumaisc i bhfeidhm ag Údarás na Gaeltachta, tá an polasaí forbartha i gcomhréir leis an gCreat Polasaí Oibre Cumaisc d'Eagraíochtaí Státseirbhíse a d'fhoilsigh an Roinn Caiteachais Poiblí agus Athchóirithe in 2022. Beidh deis iarratas a dhéanamh ar obair chumaisc tar éis tréimhse promhaidh an phoist a bheith curtha i gcrích.

## Sonraíocht Imlíneach an Phoist

Sonraí	Cur Síos
Aidhm an róil	<p>Beidh an tOifigeach Oiliúna agus Oideachais freagrach as bainistiú, forbairt agus comhordú an Chláir Oiliúna agus Oideachais i réigiún an larthair faoi stiúir Ceannasaí na Rannóige Taighde agus Forbairt Earnálacha</p>
Príomhdhualgais an Róil	<ul style="list-style-type: none"> <li>Clár cuimsitheach oiliúna, meantóireacht agus foghlama a fhorbairt agus á bhainistiú i gcomhair leis an Oifig Réigiúnacha agus an Rannóg Fiontair agus Fostaíochta a chuireann le cumasú fiontraithe nua, le comhlactaí tráchtála agus le fiontair shóisialta. Beidh freastal le déanamh ar ghnóthaí agus fiontair nua atá ag teacht in inmhe mar aon le comhlactaí sean-bhunaithe go bhfuil tárgí nua á bhforbairt acu</li> <li>Beidh seirbhísí agus tacaíochta nua le forbairt a chuideoidh le lucht ghnó agus cuideachtaí ó thaobh inmharthanacht na ngnóthaí sin. Beidh aghaidh á dtabhairt ar na dúshláin agus na deiseanna faoi mar a bhaineann leis an Aistriú Glas agus le teacht in inmhe na hIntleachta shaorga, i measc dúshláin agus deiseanna tráchtála agus forbartha eile.</li> <li>Mar chuid de chuir chuige na Rannóige, reáchtáiltear an Clár Fiontraíochta i measc an Óige ar fud na Gaeltachta le comórtais réigiúnacha agus náisiúnta san áireamh</li> <li>Scéim na gCéimithe sna Comhlactaí agus Scéim na gCéimithe san Earnáil Forbartha Pobail a bhainistiú agus a reachtáil</li> <li>Cuidiú le riarradh Cláir cuimsitheach foghlama i réimse na pleanála teanga a spreagann cumasú sa Réimse Luathbhlianta agus i Réimsí na Seirbhísí Sláinte.</li> <li>Is í an Scéim Scoláireachta do Phrintísigh is faide bunaithe des na scéimeanna ar fad agus tá deiseanna forbartha le cur chun cinn go háirithe i gcomhthéacs na Cúrsaí Nua-aoiseacha agus forbairtí ag an leibhéal náisiúnta.</li> <li>Clár Taighde d’Institiúid Tríú Leibhéal – i gcomhair leis na hInstitiúid Ard-Léinn tá scéimeanna scoláireachta bunaithe le daoine a mhealladh i dtreo réimsí thaighde ar leith atá ábharthach don Ghaeltacht.</li> <li>Gairm - Scéim Forbartha Bainistíochta nua. Scéim í seo a thugann deis do chéimithe clár forbartha agus foghlama a leanúint ag obair le hais foireann an Údarás.</li> <li>Eolas cruinn agus tráthúil a sholáthar don Rannóg Cumarsáide maidir le deiseanna oiliúna agus oideachais sa réigiún agus an sain spriocgrúpaí ar a bhfuil na scéimeanna seo ag freastal</li> <li>Ionchur a thabhairt d’ábhar margáiochta agus cumarsáide a bhaineann leis na cláir oiliúna</li> <li>Tacaíocht a thabhairt don Rannóg Cumarsáide le linn feachtas spriocdhírithe margáiochta</li> <li>A bheith mar phointe teagmhála don Rannóg Cumarsáide maidir le haon cheisteanna nó soiléiriú a theastaíonn faoi na cláir oiliúna agus oideachais</li> <li>Aiseolas a thabhairt maidir le héifeacht na bhfeachtas cumarsáide ó thaobh rannpháirtíocht sna cláir de</li> </ul>

### Tionscadail Oiliúna Straitéisearcha

Beidh an tOifigeach Oiliúna agus Oideachais freagrach freisin as bainistiú agus forbairt a dhéanamh ar an gcomhpháirtíocht straitéisearch atá curtha ar bun le hInstitiúid Tríú Leibhéal, le heagrais stáit agus poiblí, agus le páirtnéirí eile seachtracha atá dírithe ar fhorbairt scileanna agus ar bheartais oiliúna atá lárnach d'fhorbairt na fostáiochta sa Ghaeltacht.

## Luach Saothair agus Sochair

Mar seo a leanas a bheidh an pacáiste comhdhéanta:

- Is é an ráta buntuarastail reatha don phost ná €57,122 - €71,939 (ráta ranníocaíochta pinsin phearsanta) in aghaidh na bliana; áirítear san ollphá seo, ranníocaíochtaí an fhostaí chuig scéim aoisliúntais earnála poiblí iomchuí. Níl aon scála tuarastail infheidhmithe maidir leis an bpost seo.
- Ba chóir d'iarrthóirí a thuiscint go dtosófar ag an bpointe is ísle ar an scála tuarastail agus nach féidir é a phlé agus gur féidir go n-athrófar an scála tuarastail ó am go ham de réir bheartas tuarastail an Rialtais.
- Tá scéimeanna aoisliúntais earnála poiblí ranníoca reachtúla i bhfeidhm. Baineann asbhaintí eile ó thuarastal Seirbhíseach Poiblí faoin Acht um Bearta Airgeadais Éigeandála ar Mhaithe le Leas an Phobail, 2009, leis an bpost seo.
- D'fhéadfadh feidhm a bheith le pá agus coinníollacha éagsúla sa chás gur Státseirbhíseach nó Seirbhíseach Poiblí a bhí sa duine a cheapfar díreach roimh an gceapachán.
- I gcomhréir le polasaí na Roinne Caiteachais Phoiblí agus Athchóirithe, ní dhéantar soláthar do nithe mar charr, íocaíochtaí bónais ná árachas sláinte maidir leis an bpost seo.

## Nóta Tábhachtach

- Post lánaimseartha atá i gceist agus níl cead ag an gceapaí a bheith ag obair i gcleachtas príobháideach nó baint a bheith acu le gnó ar bith lasmuigh a chuireann isteach ar bhealach ar bith ar a d(h)ualgais oifigiúla, a chuireann isteach ar an obair nó a chuireann a (h)ionracas i mbaol.
- Beidh na hAchtanna um Eitic in Oifigí Poiblí i bhfeidhm, más cuí, san fhostaíocht seo.
- Le linn na tréimhse fostáiochta, beidh an t-oifigeach faoi réir ag na rialacháin a rialaíonn Seirbhísigh Phoiblí agus cúrsaí polaitíochta.
- Beidh an ceapaí, le linn théarma a c(h)eapacháin, ag feidhmiú faoi réir fhorálacha an Achta um Rúin Oifigiúla, 1963, arna leasú leis an Acht um Shaoráil Faisnéise, 2014. Aontóidh an t-

---

oifigeach gan aon fhaisnéis rúnda a scaoileadh le tríú páirtí neamhúdaraithe, bíodh sé sin le linn na tréimhse fostáiochta nó ina diaidh.

## Costais

- Íocfar costais taistil (míleáiste san áireamh) agus chothabhála ag cibé rátaí agus faoi réir cibé coinníollacha a chinnfidh An tÚdarás ó am go ham le ceadú an Aire Turasóireachta, Cultúir, Ealaíon, Gaeltachta, Spóirt agus Meán le toiliú an Aire Caiteachais Phoiblí agus Athchóirithe.

## Láthair Oibre

- Beidh an post seo lonnaithe in Ardoifig an Údaráis sna Forbacha, Co. na Gaillimhe.

---

## Próifíl Imlíneach Iarrthóra

### Cáilíochtaí Acadúla & Gairmiúla

- Cáilíocht ábhartha 3ú leibhéal i réimse gaolmhar.

### Cúlra Ginearálta

Ní mór buanna pearsanta agus saineolas den scoth a bheith ag iarrthóirí. Éilíonn an chreidiúint agus an aibíocht is gá chun déileáil le pobail agus gnóthaí seachtracha, le bainistíocht an Údaráis agus leis an bhfoireann, go mbeidh go leor bainte amach ag iarrthóirí sa réimse príobháideach, pobail nó sa tseirbhís phoiblí:

#### Tréithe Pearsanta, Eolas, Scileanna agus Taithí

Léireoidh an té a cheapfar inniúlachtaí an méid seo a leanas:

- Taithí ar chláir oiliúna agus forbartha a dhearadh, a bhainistiú agus a sheachadadh i réimse na forbartha fiontraíochta agus na forbartha pobail
- Cumas chun meantóireachta agus comhairle a roinnt le fiontralthe, le lucht ghnó agus le spriocgrúpaí eile
- Cumas cruthaithe i mbainistíocht buiséid, réiteach agus measúnú ar chláir agus ar phleananna oibre
- Cumas cruthaithe i bhforbairt agus i mbainistiú feachtas margáiochta agus poiblíochta
- Scileanna láidre eagrúcháin agus riarracháin
- Scileanna cumarsáide den scoth i nGaeilge agus i mBéarla
- Cumas oibriú go héifeachtach le páirtithe leasmhara éagsúla
- Cumas meantóireachta agus comhairle a chur ar fáil
- Scileanna éascaithe agus idirbheartaíochta
- Léargas maith ar fhorbairt pobail agus réigiúnach
- Tuiscint dhomhain ar chúrsaí teanga agus ar dhúshláin na Gaeltachta
- Cumas anailíse agus réiteach fadhbanna
- Tiomántas láidir don Ghaeilge agus d'fhorbairt na Gaeltachta
- Féin-spreagtha agus in ann tionscnamh a thógáil
- Solúbtha agus in ann oriúnú do riachtanais athraitheacha
- Cumas oibriú go neamhspleách agus mar chuid d'fhoireann
- Scileanna láidre bainistíochta ama

Beidh taithí sna réimsí thíos riachtanach chun dul chun cinn sa ról agus cuspóirí na Rannóige a bhaint amach:

- Taithí i seachadadh seirbhíse agus fócas láidir ar cháilíocht agus ar sheirbhís do chustaiméiri.
- Taithí ar fhoireann foirne a bhainistiú agus a fhorbairt lena n-áirítear córais bhainistíochta feidhmíochta foirmiúla.
- Taithí réimse conradh agus conraitheoirí a eagrú agus a bhainistiú agus a taithí agus scríobh agus ag aontú scóip oibre.
- Cumás aird ar leith a thabhairt ar mhionsonraí agus freagairt do spriocdhátaí dochta.
- Tá sé tábhachtach go mbeadh an duine aonair tiomáinte, féin-spreagtha, in ann tionscnamh a ghlacadh chomh maith leis an gcumás foirne a threorú.


# Príomhinniúlachtaí d'fheidhmíocht éifeachtach ag Leibhéal an Ardoifigigh Feidhmiúcháin

Díritear aird iarrthóirí ar na príomhinniúlachtaí atá forbartha le húsáid i bpoist ardleibhéal san earnáil phoiblí.

Léiríonn an tsamhail inniúlachta nua an timpeallacht chasta athraitheach ina bhfeidhmíonn fostaithe ina bpoist sinsearacha san earnáil phoiblí agus níos lú acmhainní acu agus brú ó thaobh seachadadh agus torthaí a bhaint amach, le clár athchóirithe uaillmhianach seirbhíse poiblí le baint amach agus na meáin agus an pobal ag faire níos géire orthu.

Tá ‘Luachanna Seirbhíse Poiblí’ mar bhunchloch do cheithre phríomhréimse inniúlachtaí, agus baineann fo-ghnéithe le péire acu.

## Inniúlachtaí ag Leibhéal an Ardoifigigh Feidhmiúcháin - Táscairí Feidhmíochta Éifeachtacha



### Ag Ullmhú Don Todhchaí

Chun beartas agus seirbhísí poiblí den chéad scoth a sholáthar, ní mór dúinn glacadh le hathruithe agus le nuálaíocht. Déanaimid ár ndícheall straitéis ionchuimsitheach atá dírithe ar an gcuastaiméir a chruthú, ina bhfuil fíos a chuireann athruithe comhshaoil, sóisialta agus teicneolaíochta san áireamh. Trí chur chuige solúbtha ina bhfuil cúrsáí digiteacha chun tosaigh a chur i bhfeidhm, cuirfimid uasoiliúint ar fáil agus athróimid agus cuirfimid feabhas ar an gcaoi a ndéanaimid rudaí ar bhonn leanúnach chun dul i ngleic le riachtanais reatha agus riachtanais a bheidh ann amach anseo.

Béim ar Chúrsáí Digiteacha, Nuálaíocht agus Uasoiliúint don Todhchaí	Tuiscint Straitéiseach agus Athruiithe
<b>Béim ar Chúrsáí Digiteacha</b> <ul style="list-style-type: none"><li>Baineann an duine an leas is fearr as réitigh teicneolaíochta agus dhigiteacha chun éifeachtacht a chur chun cinn agus chun tacú le soláthar seirbhíse níos fearr</li></ul> <b>Réitigh Nuálacha agus Chruthaitheacha</b> <ul style="list-style-type: none"><li>Spreagann an duine smaointe nuálacha, réitigh chruthaitheacha agus moltaí úsáideacha, cuireann siad smaointe, réitigh agus moltaí den chineál seo in iúl agus tuigeann siad an taobh praiticiúil a bhaineann leo</li><li>Baineann an duine trial as modhanna nua/difriúla, léiríonn siad solúbthacht maidir le ceachtanna a fhoghlaim ó bhotúin, maidir le modhanna a athrú agus maidir le feabhas a chur ar mhodhanna</li></ul>	<b>Tuiscint Straitéiseach agus Béim ar an Todhchaí</b> <ul style="list-style-type: none"><li>Cuireann an duine le beartas agus straitéis a fhorbairt agus déanann siad pleináil don todhchaí ina réimse</li><li>Oibríonn an duine leis an lucht bainistíocha chun naics idir straitéis ghinearálta na hEagraíochta/na Roinne agus spriocanna bliantúla a bhfoirne a aithint</li></ul> <b>Tuiscint ar Chomhthéasc</b> <ul style="list-style-type: none"><li>Cinntíonn an duine go bhfuil siad eolach ar Pholasaithe Státseirbhíse agus fhorbairtí a bhaineann lena réimse féin</li><li>Déanann an duine machnamh ar thionchar na bpolasaithe agus na straitéisí, lena n-áirítear na daoine/rudaí ar a mbíonn tionchar acu</li></ul>

<b>Uasoiliúint don Todhcháí</b> <ul style="list-style-type: none"> <li>Lorgaíonn an duine deiseanna forbartha ar bhealach gníomhach, forbraíonn siad buanna agus téann siad i ngleic le laigí/bearnaí le meon dearfach agus bíonn siad sásta rudaí nua a fhoghlaim</li> <li>Tá an duine díograiseach maidir lena gcuid eolais agus scileanna a fhorbairt don todhcháí</li> <li>Tuigeann an duine na rudaí ar chóir don fhoireann a dhéanamh, chun ullmhacht don todhcháí agus scileanna a fhorbairt</li> </ul>	<b>Athruithe a Éascú</b> <ul style="list-style-type: none"> <li>Tugann an duine tacaíocht do dhaoine eile trí athruithe, cuireann siad béim ar na buntáistí a bhaineann le hathruithe, nuálaíocht agus teicneolaíocht nua</li> <li>Aithníonn agus déanann an duine moltaí i dtaca le hathruithe, bunaithe ar a dtaití agus a dtuisceint féin</li> </ul>
<b>Soláthar atá Bunaithe ar Fhianaise</b>	
<p><i>Chun beartas agus seirbhísí poiblí den chéad scoth a sholáthar, ní mór dúinn cíntí eolacha atá bunaithe ar fhianaise a dhéanamh, spriocanna a chur in ord tosaíochta agus bainistíocht éifeachtach a dhéanamh ar acmhainní, trí úsáid a bhaint as eolas cuí chun tortháí a mheas chun na tortháí is fearr a chinntí do na daoine ar a bhfreastalaímid.</i></p>	
<b>Barr Feabhas a Sholáthar</b>	<b>Anailís a Chinntíú, Breithiúnas a Thabhairt agus Cíntí a Dhéanamh</b>
<b>Obair agus Acmhainní a Bhainistiú</b> <ul style="list-style-type: none"> <li>Déanann an duine a dtascanna oibre féin agus na tascanna oibre a bhíonn le déanamh ag daoine eile a bhainistiú, a phleanáil agus a chur in ord tosaíochta chun a chinntí go mbaintear spriocanna amach agus go gcloítear le sprioc-amanna</li> <li>Oibríonn an duine ar bhealach córasach, eagraithe agus éifeachtach, faigheann siad tuiscint ar thascanna nua ar bhealach cuí</li> <li>Déanann an duine bainistíocht éifeachtach ar acmhainní chun an toradh is fearr a bhaint amach</li> </ul>	<b>Eolas a Bhailiú, a Úsaid agus Anailís a dhéanamh air</b> <ul style="list-style-type: none"> <li>Bailíonn agus tuigeann an duine sonraí ó fhoinsí éagsúla agus déanann siad anailís orthu chun eolas tábhachtach nó príomhcheisteanna a aithint</li> <li>Cinntíonn an duine go bhfuil córais i bhfeidhm chun sonraí a bhailiú, a bhainistiú agus a úsáid ar bhealach cuí</li> <li>Déanann an duine anailís agus measúnú ar eolas casta ó bhéal agus eolas casta uimhriúil ar bhealach cuí agus pras</li> </ul>
<b>Tortháí agus Seirbhís ar Ardchaighdeán a Sholáthar</b> <ul style="list-style-type: none"> <li>Leagann an duine caighdeán arda agus spriocanna amach dóibh féin agus don fhoireann agus déanann siad a ndícheall chun iad a bhaint amach</li> <li>Déanann an duine maoirseacht mhaith ar obair a bhfoirne agus cuireann siad nósanna imeachta i bhfeidhm chun dul chun cinn agus caighdeán a rianú</li> <li>Cuireann an duine barr feabhas i dtaca le seirbhís do chustaiméirí chun cinn agus tugann siad túis áite do thaithí an iarrthóra</li> <li>Lorgaíonn an duine aiseolas faoi obair agus déanann siad soláthar a mheas i gcomparáid le tortháí atá ag teastáil</li> </ul>	<b>Fadhbanna a Réiteach</b> <ul style="list-style-type: none"> <li>Réitíonn an duine fadhbanna ar bhealach loighciúil, bailíonn siad eolas agus sonraí cuí, déanann siad iniúchadh ar réitigh éagsúla agus cuireann siad ceisteanna ar aghaidh nuair is gá</li> </ul>
<b>Dearcadh, Tionscnaíocht agus Solúbhacht</b> <ul style="list-style-type: none"> <li>Leiríonn an duine freagracht, tionscnaíocht agus freagracht as a gcuid oibre féin, agus tugann siad tacaíocht don fhoireann</li> <li>Tá teacht aniar sa duine agus léiríonn siad meon dearfach agus iad ag obair faoi bhrú nó faoi shrian, agus lorgaíonn siad tacaíocht nuair is gá</li> <li>Cinntíonn an duine go mbíonn siad féin agus an fhoireann solúbhtha agus iad ag dul i ngleic le dúshláin agus le hélimh a bhíonn ag athrú</li> </ul>	<b>Breithiúnas Eolach a Thabhairt agus Cíntí Eolacha a Dhéanamh</b> <ul style="list-style-type: none"> <li>Tugann an duine breithiúnas cothrom agus déanann siad cíntí cothroma, baineann siad úsáid as fianaise, taithí agus polasaithe/nósanna imeachta cuí</li> <li>Déanann an duine cíntí cuí agus prasa, cuireann siad an réasúnaíocht in iúl agus lorgaíonn siad tacaíocht, de réir mar is gá.</li> <li>Léiríonn an duine breithiúnas maith agus iad ag plé le cásanna deacra, éiginnte agus ag plé le ceisteanna ar an toirt</li> </ul>
<b>Treoir a Thabhairt agus Cumhacht a Thabhairt</b>	
<p><i>Chun beartas agus seirbhísí poiblí den chéad scoth a sholáthar, ní mór dúinn treoir a thabhairt inár réimsí saineolais, daoine eile a spreagadh agus físh shoiléir a chruthú Táimid tiomanta d'fhorbairt a dhéanamh ar, do thacaíocht agus do chumhacht a thabhairt dáir gcomhghleacaithe chun gur féidir leo barr a gcumais a bhaint amach agus chun timpeallacht oibre dhearbach agus ionchuimsitheach a chruthú, ina bhfuil obair gach duine luachmhar.</i></p>	
<b>Treoir a Thabhairt, Daoine a Spreagadh agus Forbairt a Dhéanamh</b>	<b>Treoir a thabhairt trí Thuisceint Speisialtachta</b>
<b>Feidhmíocht a Fhorbairt, a Spreagadh agus Tacú Léi</b> <ul style="list-style-type: none"> <li>Spreagann an duine ardfheidhmíocht trí aitheantas, threoir, oiliúint agus aiseolas rialta a chur ar fáil</li> <li>Baineann an duine úsáid éifeachtach as teicnící bainistíochta feidhmíochta foirmíúla agus neamhfhoirmíúla</li> </ul>	<b>Eolas Speisialtachta agus Forbairt Ghairmiúil</b> <ul style="list-style-type: none"> <li>Léiríonn a duine ardfheidhmíocht trí aitheantas, threoir, oiliúint agus aiseolas rialta a chur ar fáil</li> <li>Tá an duine tiomanta don Fhorbairt Ghairmiúil Leanúnach, glacann siad páirt i gcúrsaí, i gcomhdhálacha agus i</li> </ul>

<ul style="list-style-type: none"> <li>- Tuigeann an duine buanna agus riachtanais forbartha na mball den fhoireann agus tugann siad obair amach, cinnionn siad go gcuirtear deiseanna forbartha ar fáil do gach ball forne.</li> </ul> <p><b>Cumhacht, Iontaoibh agus Ionracas</b></p> <ul style="list-style-type: none"> <li>- Tugann an duine cumhacht dá bhfoireann, spreagann siad neamhspleáchas, bíonn meas acu ar na tuairimí a bhíonn ag daoine eile agus tugann siad tascanna amach ar bhealach a léiríonn iontaoibh</li> <li>- Cruthaíonn an duine timpeallacht forne atá ionchuimsitheach, sábháilté agus oscailte</li> <li>- Tugann an duine treoir le hionracas, le macántacht agus le freagracht</li> </ul> <p><b>Tuiscint Shóisialta agus Mhothúchánach</b></p> <ul style="list-style-type: none"> <li>- Tugann an duine túis áite dá bhfolláine féin agus d'fholláine dhaoine eile, léiríonn siad tuiscint, comhbhá agus tugann siad tacáiocht</li> <li>- Léiríonn an duine féin tuiscint mhaith agus an cumas a gcuid mothúchán agus iompair féin a bhainistiú, go háirithe i gcásanna dúshlánacha</li> </ul>	<p>gníomhaíochtaí cuí chun a chinntíú go bhfuil a gcuid eolais cothrom le dáta</p> <p><b>Treoir a Thabhairt, Abhcóideacht a Dhéanamh agus Eolas a Roinnt</b></p> <ul style="list-style-type: none"> <li>- Tugann an duine treoir agus déanann siad abhcóideacht ina réimse saineolais, trí thuisctí, eolas, fhianaise agus réasúnaíocht a roinnt</li> <li>- Cruthaíonn an duine deiseanna chun eolas a roinnt agus a aistriú</li> <li>- Tá an duine in ann téarmaí teicniúla a mhíniú ar bhealach sothuigthe</li> </ul> <p><b>Cothromaíocht a Bhaint Amach idir Obair Neamhspleách, Obair Trasfheidhme agus Obair Foirne</b></p> <ul style="list-style-type: none"> <li>- Tá an duine in ann obair a dhéanamh go neamhspleách agus lena bhfoirne agus le réimsí/feidhmeanna eile</li> <li>- Tá tuiscint shoiléir ag an duine ar an obair nach mó a dhéanamh agus an chaoi ar chóir í a dhéanamh, agus is féidir leo iad féin a spreagadh</li> </ul>
---	---

### Cumarsáid agus Comhoibriú

*Chun beartas agus seirbhísí poiblí den chéad scoth a sholáthar, ní mó dúninn oibriú le chéile, caidrimh a chothú agus comhoibriú le chéile chun cur chuige cuimsitheach Rialtais a éascú. Má dhéanaimid teagmháil agus cumarsáid éifeachtach lenár gcustaiméiri, gclaint agus gcomhghleacaithe, forbrófar an mhuinín atá acu as ár seirbhísí.*

Cumarsáid a Dhéanamh agus Tionchar a Imirt	Teagmháil agus Comhoibriú
<p><b>Cumarsáid Éifeachtach a Dhéanamh agus Éisteacht chun teacht ar Thuiscint</b></p> <ul style="list-style-type: none"> <li>- Déanann an duine cumarsáid agus cuireann siad eolas i láthair ar bhealach soiléir, gairmiúil agus mealltach, i dtaca le cumarsáid ó bhéal, cumarsáid dhigiteach agus i gcumarsáid scríofa</li> <li>- Roinneann an duine sonraí cuí agus cuireann siad eolas/sonraí cuí in iúl ar bhealach sothuigthe</li> <li>- Léiríonn an duine tuiscint ar a modh cumarsáide féin, agus athraíonn siad a stíl de réir mar is cuí chun freastal ar an lucht éisteachta</li> <li>- Tugann an duine túis áite don éagsúlacht agus déanann siad iarracht ghníomhach a chinntriú go gcloistear daoine agus éisteann siad le daoine agus tuairimí éagsúla</li> </ul> <p><b>Scileanna i dtaca le Tionchar a Imirt agus Scileanna Idirbheartaíochta</b></p> <ul style="list-style-type: none"> <li>- Imríonn an duine tionchar ar dhaoine eile ar bhealach tuisceanach agus bíonn siad sásta comhréiteach a dhéanamh nuair is gá</li> <li>- Tá an stíl a úsáideann an duine chun tionchar a imirt agus idirbheartaíochta a dhéanamh agus chun coimhlint a bhainistiú cuí agus measúil</li> <li>- Téann an duine i ngleic le comhráite, ceisteanna nó idirbheartaíochta chasta ar bhealach tuisceanach, stuama agus lách</li> </ul>	<p><b>Lónrú, Teagmháil agus Comhairliúchán</b></p> <ul style="list-style-type: none"> <li>- Forbraíonn an duine gréasáin úsáideacha laistigh agus lasmuigh den Eagraíocht/Roinn</li> <li>- Tugann an duine túis áite do theagmháil agus chomhairliúchán le páirtithe leasmhara cuí</li> </ul> <p><b>Comhoibriú, Obair Foirne, agus Caidrimh a Chothú</b></p> <ul style="list-style-type: none"> <li>- Cuireann an duine comhoibriú, obair trasfheidhme agus obair foirne chun tosaigh agus cruthaíonn siad deiseanna comhoibrithe de réir mar is cuí</li> <li>- Baineann an duine úsáid as scileanna idirphearsanta chun deachairimh oibre a chothú, fiú i dtimpeallacht ina bhfuil obair chumaisc/hibrideach ar siúl</li> <li>- Tugann an duine an t-eolas cuí agus an t-eolas is déanaí dá bhfoireann, dá gcomhghleacaithe agus dá mbainisteoir</li> </ul>

Caithfidh iarrthóirí, gan aon eisceacht, aon choimhlint leasa a d'fhéadfadh a bheith i gceist a thabhairt chun suntais ag an staid iarratais den phróiseas earcaíochta. Mura ndéanfaidh iarrthóir aon choimhlint leasa den sórt sin a thabhairt chun suntais agus go dtagann an choimhlint chun solais ina dhiaidh sin d'fhéadfaí an t-iarrthóir a dhícháiliú ón gcomórtas nó má thairgtear ról don iarrthóir in Údarás na Gaeltachta agus má ghlacann sé nó sí leis ar bhonn eolais mhíthreoraigh d'fhéadfaí an duine sin a dhíhostú as an bpost.

## An Próiseas Roghnaithe

### Le hIarratas a Dhéanamh:

Ba chóir do gach iarrthóir dul chuig [www.udaras.ie/oiliuint-fostaiocht](http://www.udaras.ie/oiliuint-fostaiocht) cliceáil ar an bpost agus ansin litir chumhdaigh, a dhéanann cur síos ar a n-oiriúnacht don phost seo, agus CV cuimsitheach a sheoladh ar ríomhphost chuig [foluntais@udaras.ie](mailto:foluntais@udaras.ie). Ní ghlaicfar le hiarratais tar éis an spriocdháta.

### Spriocdháta:

Ní ghlaicfar le hiarratais i ndiaidh an **4.00 i.n. Dé hAoine, 28 Feabhra 2025**

Mura bhfaighidh tú admháil go bhfuil d'iarratas faigte laistigh de 48 uair an chloig tar éis duit an t-iarratas a dhéanamh, déan teagmháil le [foluntais@udaras.ie](mailto:foluntais@udaras.ie) le do thoil. (Ar iarrthóirí atá an fhreagracht a chinntíú go mbeidh iarratais chomhlíonta faigte roimh an spriocdháta atá tugtha).

Coinneofar ar an eolas tú faoin bhfeachtas tríd an seoladh r-phoist a chuirfidh tú ar fáil.

Ar iarrthóirí atá an dualgas a chinntíú go bhfuil siad ag fáil gach cumarsáid ó Údarás na Gaeltachta. Comhairlítéar duit do chuid r-phost a sheiceáil go rialta le linn an chomórtais; coinnigh súil ar fhillteáin turscair/spam ar fhaitíos go rachadh aon r-phost ar seachrán iontu.

Ní ghlacann Údarás na Gaeltachta le haon fhreagracht as aon chumarsáid nach n-osclaíonn an t-iarrthóir nó nach bhfaigheann sé nó sí.

Ní mór d'iarrthóirí a bheith ar fáil ar an dáta/na dátaí a shonróidh Údarás na Gaeltachta agus a chinntíú go bhfuil na sonraí teagmhála atá tugtha sa litir chumhdaigh/CV cruinn.

### An Próiseas Roghnúcháin:

Féadfaidh na nithe seo a leanas a bheith san áireamh sa phróiseas roghnúcháin:

- CV cuimsitheach agus litir chumhdaigh a chur ar aghaidh chuig [foluntais@udaras.ie](mailto:foluntais@udaras.ie);
- Gearrliosta iarrthóirí bunaithe ar eolas a bheidh ina gcuid iarratas (caithfidh iarrthóirí na híoschritéir atá leagtha amach sa cháipéis seo a chomhlíonadh);
- Ag brath ar thaithí agus caighdeán na n-iarrthóirí, d'fhéadfaí nach roghnófaí gach duine a chomhlíonann na híoschritéir chun dul faoi agallamh;
- Agallamh iomaíoch (bunaithe ar inniúlachtaí);
- Aon tástálacha nó cleachtaí eile a mheastar a bheith cuí.

### Painéal:

- Sa chás go dtiocfadh folúntais chun cinn san Eagraíocht le linn shaolré an oird fiúntais, forchoimeádann Údarás na Gaeltachta an cead poist den chineáil luaite san fhógra seo a thairiscint ar bhonn thorthaí an chomórtais seo. Mairfidh an painéal seo dhá bliain.

### Gearrliostú:

Is gnách go bhfaigheartar níos mó iarratas ar phost ná an líon a theastódh chun na folúntais reatha agus amach anseo a líonadh. In ainneoin go gcomhlíonfá riachtanais cháilitheacha don chomórtas, sa chás go mbeadh an líon daoine a bheadh ag cur isteach ar an bpost chomh hard agus nach mbeadh sé praiticiúil agallamh a chur ar gach iarrthóir, féadfaidh Údarás na Gaeltachta a shocrú

---

nach nglaofar ach ar líon níos lú daoine chun agallaimh. Chuige sin, forálann Údarás na Gaeltachta gearrliostú a dhéanamh chun líon daoine a roghnú i gcomhair agallaimh arb iad is cosúil, bunaithe ar na litreacha cumhdaigh agus CVanna a bheith scrúdaithe, a bheidh oiriúnach don phost. Déanfaidh bord saineolaithe na foirmeacha iarratais a scrídú i leith critéir réamhshocraithe atá bunaithe ar riachtanais an phoist. Ní hé sin le rá go gcaithfidh go mbeadh iarrthóirí eile mí-oiriúnach don phost nó nach mbeidís in ann dul i mbun an phoist, ach go bhfuil roinnt iarrthóirí ann a dhealraíonn, bunaithe ar a gcuid iarratas, a bheith níos cáilithe don phost agus/nó taithí níos ábhartha acu. Déanfaidh tú do leas más ea, ach cuntas beacht mionsonraithe a thabhairt ar do chuid cáilíochtaí/taithí sa litir chumhdaigh.

## Rúndacht:

Faoi réir fhórálacha an Acharta um Shaoráil Faisnéise, 2014, caithfear le hiarratais le lánrúndacht.

## Eolas Tábhachtach Eile

Ní bheidh aon fhreagracht ar Údarás na Gaeltachta as aon chostais a thabhdóidh iarrthóirí.

Ní hionann duine a ligean isteach ar chomórtas nó cuireadh a thabhairt chun agallaimh nó fógra gur éirigh le duine agus a thabhairt le tuiscint go bhfuil Údarás na Gaeltachta sásta go gcomhlíonann an duine sin na riachtanais nó nach bhfuil an duine dícháilithe faoin dlí ó thaobh an phoist sin a líonadh agus níl aon bharántas ann go ndéanfar d'iarratas a bhrefthniú tuilleadh. Tá sé tábhachtach mar sin go ndíreofaí d'aird gur ortsá atá an dualgas a chinntí go gcomhlíonann tú na riachtanais cháilíochta don chomórtas sula dtiocfaidh tú chun agallaimh. Mura gcomhlíonann tú na bunriachtanais iontrála ach go dtagann tú chuig agallamh ní bheidh tú ach ag cur costais ort féin.

Sula molfaidh Údarás na Gaeltachta aon iarrthóir le ceapadh sa phost, déanfaidh siad gach fiosrúchán a mheasfar a bheith cuí le hoiriúnacht an iarrthóra a chinntí. Go dtí go mbeidh gach staid den phróiseas earcaíochta críochnaithe ní féidir cinneadh críochnaitheach a dhéanamh ná ní féidir a mheas ná a thuiscint go bhfuil a leithéid de chinneadh déanta.

Sa chás go n-eiteoidh an duine a mholtar don phost glacadh leis an bpost nó má ghlacann sé ní sí leis agus ansin má tarraigíonn sé ní sí siar as ní má thagann folúntas breise chun cinn féadfaidh an Bord, dá rogha féin, duine eile a roghnú agus a mholadh le ceapadh sa phost bunaithe ar thorthaí an phróisis roghnúcháin.

## Cearta Iarrthóirí - Nósanna Imeachta Athbhreithnithe maidir leis an bPróiseas Roghnúcháin

Breithneoidh Údarás na Gaeltachta iarrataí ar athbhreithniú de réir fhórálacha na gcód cleachtais arna bhfoilsíú ag an CPSA. Tá na Cód Chleachtais ar fáil ar láithreán gréasáin an Choimisiún um Cheapacháin Seirbhíse Poiblí ag [www.cpsa.ie](http://www.cpsa.ie).

Sa chás go mbeadh iarrthóir míshásta le gníomh ní cinneadh maidir lena n-iarratas (agus an roghnú á bhainistiú ag Údarás na Gaeltachta), féadfaidh siad aiseolas a lorg ó Údarás na Gaeltachta. Déanfaidh teagmhálaí earcaíochta an iarrthóra an chéad athbhreithniú go

---

hinmheánach faoin údar nár éirigh lena n-iarratas. Seolfar toradh an athbhreithnithe sin i scríbhinn chuig an iarrthóir.

- Leis an gcéad athbhreithniú a iarraidh, caithfidh iarrthóir scríobh chuig Údarás na Gaeltachta laistigh de 5 lá oibre ón bhfógra a fháil faoin gcinneadh maidir lena n-iarratas. Déanfaidh Údarás na Gaeltachta an chéad athbhreithniú gan mhoill. Má bhíonn an t-iarrthóir míshásta leis an toradh féadfaidh siad dul i mbun an nóis imeachta fhoirmiúil laistigh de 2 lá oibre i ndiaidh dóibh an fógra faoi thoradh an chéad athbhreithnithe a fháil.
- Mura bhfuil an t-iarrthóir sásta le toradh an chéad athbhreithnithe, cuirfear ar aghaidh é go dtí an Stiúrthóir Seirbhísí Corparáideacha a fheidhmíonn mar eadránaí cinnidh.
- Duine nach mbeidh baint aici nó aige leis an bpróiseas roghnúcháin a bheidh san eadránaí cinnidh agus déanfaidh sé nó sí eadráin maidir le hiarrataí ar athbhreithniú. Is cinneadh críochnaitheach é cinneadh an eadránaí cinnidh.

## Oibleagáidí na nlarrthóirí

Ní mór d'iarrthóirí a thuiscnt go ndéanfar iarrthóir a dhícháiliú de bharr canbhasála agus go gcuirfear an t-iarrthóir sin amach as an bpróiseas dá thoradh.

### Ní dhéanfaidh iarrthóirí:

- Eolas falsa a chur ar fáil ceann ar aghaidh nó go meargánta;
- Canbhasáil ar aon duine le haslú ná gan aslú;
- Cur isteach ar an bpróiseas ar aon bhealach nó baint de;
- Tríú páirtí a chur isteach á bpearsanú ag aon staid den phróiseas;
- Aon duine a sháróidh na forálacha thusa ná aon duine a chuideoidh le duine eile chun na forálacha thusa a shárú beidh sé/sí ciontach i gcion. D'fheadfaí fineáil nó príosúnacht a ghearradh ar dhuine a chiontófar i gcion.

Ina theannta sin, i gcás gur iarrthóir i bpróiseas earcaíochta a bhí ná atá sa duine a fuarthas ciontach i gcion,

- dícháileofar iad mar iarrthóir agus tógfar amach as an gcomórtas iad;
- má ceapadh iad i bpost tar éis an phróisis roghnaithe, cuirfear as an bpost iad.

## Critéir shonracha iarrthóra:

### Ní mór d'iarrthóirí:

- An t-eolas agus an cumas a bheith acu le dualgais an phoist atá i gceist a chomhlíonadh;
- A bheith oríúnach ar bhonn carachtair;
- A bheith oríúnach ar gach bealach cuí eile le ceapadh sa phost atá i gceist.

Agus má éiríonn le hiarrthóir ní cheapfar an té sin sa phost go dtí:

- Go n-aontóidh siad glacadh leis na dualgais a bhaineann leis an bpost agus go nglacfaidh siad leis na coinníollacha faoina gcomhlíontar na dualgais ná na coinníollacha faoina gcaithfear na dualgais a chomhlíonadh;
- Go bhfuil siad go hiomlán inniúil agus ar fáil chun tabhairt faoi na dualgais a bhaineann leis an bpost agus go bhfuil siad go hiomlán ábalta tabhairt fúthu;
- Go ndeimhneoidh scrúdú dochtúra go bhfuil siad folláin leis an gceapachán a ghlacadh.

---

## Iarrthóirí a mheas a bheith tarraingthe siar

Aon iarrthóir nach ndéanfaidh freastal ar agallamh nó tástáil eile ag an am agus an áit a éillonn Údarás na Gaeltachta nó nach soláthraíonn, arna éileamh, cibé fianaise atá riachtanach ó Údarás na Gaeltachta maidir le haon ábhar a bhaineann lena n-iarratas,ní bheidh sé nó sí i dteideal aon bhreithnithe eile.

## Seirbhís Ardchaighdeáin Custaiméirí

Bímid ag iarraidh seirbhís den scoth a sholáthar dár gcuid custaiméirí. Sa chás ar aon chúis nach bhfuil tú sásta le haon chuid den tseirbhís a fhaigheann tú uainn, iarraimid ort é sin a chur in iúl don Rannóg Acmhainní Daonna. Tá sé sin tábhachtach le go mbeadh a fhios againn faoin bhfadhb agus go mbeidh deis againn na bearta cuí a ghlacadh leis an scéal a réiteach. Tabharfar aiseolas i scríbhinn.

## An tAcht um Chosaint Sonrai 2018

Nuair a gheobhaimid d'fhoirm iarratais, cruthóimid taifead i d'ainm ina mbeidh go leor den eolas pearsanta a bheidh curtha ar fáil agat. Ní bhainfear leas as an taifead pearsanta sin ach leis an iarratas a phróiseáil agus má éiríonn leat cuirfear eolas áirithe a chuir tú ar fáil ar aghaidh go dtí an bord agallaimh. Tá eolas den sórt sin faoi réir na gceart agus na n-oibleagáidí atá leagtha amach san Acht um Chosaint Sonrai 2018.

Le hiarratas a dhéanamh ar shonraí pearsanta, déan teagmháil le hOifigeach um Chosaint Sonrai na heagraíochta ag [acs@udaras.ie](mailto:acs@udaras.ie)

## Ráiteas Príobháideachais an larratasóra – Údarás na Gaeltachta – Rialtóir Sonrai

### Aidhm na próiseála

Tugann Údarás na Gaeltachta faoi phróisis earcaíochta chun poist laistigh den eagraíocht a líonadh. Nuair a bhítear ag cur isteach ar na comórtais seo, iarrtar ar iarrthóirí réimse cáipéisí a chur faoinár mbráid, m.sh foirm iarratais, CV agus/nó litir chumhdaigh.

Tá Ráiteas Príobháideachais an larratasóra ar fáil d'iarrthóirí atá ag cur isteach ar phoist in Údarás na Gaeltachta agus tá eolas breise faoin Rialachán Ginearálta maidir le Cosaint Sonrai “RGCS” agus iarratais ar Shonraí Pearsanta le fáil ag [www.udaras.ie](http://www.udaras.ie).

Tá bunús dlíthiúil le próiseáil na sonraí seo agus roinntear na sonraí nuair is gá, féach thíos.

### Ag stóráil iarratas, freagraí a admháil agus comhfhreagras le hiarrthóirí.

Tá eolas áirithe ag teastáil le cur i gconarthaí d'iarrthóirí a n-éiríonn leo. Teastaíonn eolas ón mbord agallaimh do ghearriostú agus próiseas agallaimh agus b'fhéidir le teistiméireachtaí a sheiceáil. Ó am go ham, bíonn daoine neamhspleácha ar bhord agallaimh agus roinntear an t-eolas a chuirtear ar fáil leis na daoine seo mar chuid den phróiseas roghnúcháin.

---

Is rímhaithe atá a fhios ag Údarás na Gaeltachta faoinár gcuid dualgas RGCS agus déantar na sonraí uile lena mbaineann a bhainistiú de réir na rialachán cuí.

D'iarrthóirí a n-éiríonn leo, coinneofar a n-iarratais agus aon pháipéarachas lena mbaineann ar a gcomhad pearsanra ar feadh a dtréimhse fostáiochta agus de réir mar is gá do thréimhse ina dhiaidh sin. D'iarrthóirí nach n-éiríonn leo, coinneofar a n-iarratais agus aon chomhfhreagras ar feadh tréimhse bliana. Beidh na sonraí seo á mbainistiú ag an Rannóg Acmhainní Daonna. Caithfear le chuile shonra pearsanta go rúnda agus cuirfear chuile bheartas slándála cuí i bhfeidhm.

**Cearta na nIarrthóiri:**

Aithníonn Údarás na Gaeltachta go bhfuil cearta ag iarrthóirí agus sonraítear iad sin thíos.

**Rochtain:**

Is féidir le hiarrthóirí iarratas a dhéanamh agus rochtain a fháil ar a gcuid sonraí pearsanta am ar bith agus is féidir iarratas agus cóip a fháil ar na sonraí pearsanta seo i bhformáid leictreonach/ inaistrithe.

**Scrios:**

Is féidir le hiarrthóirí iarratas a dhéanamh go scriosfaí na sonraí pearsanta atá á gcoinneáil.

**Ceartú:**

Is féidir le hiarrthóirí aon eolas míchruinn a cheartú.

**Agóid:**

Is féidir le hiarrthóirí agóid a dhéanamh maidir le próiseáil an eolais seo.

**Gearán:**

Is féidir le hiarrthóirí gearán a dhéanamh lenár nOifigeach um Chosaint Sonrai, (OCS), inmheánach (sonraí teagmhála thíos) agus/nó gearán a dhéanamh leis an údarás cuí in Éirinn, an Coimisiún um Chosaint Sonrai.

**Sonraí OCS Údarás na Gaeltachta**

acs@udaras.ie

nó

An tOifigeach um Chosaint Sonrai, Údarás na Gaeltachta, na Forbacha, Co. na Gaillimhe, 091 503100

**Eolas Breise ar Chosaint Sonrai:**

Láithreán gréasáin an Choimisiúin um Chosaint Sonrai – [www.dataprotection.ie](http://www.dataprotection.ie).

Cuir glaoch ar Oifig an Choimisinéara um Chosaint Sonrai ar 1890 252231 nó seol r-phost chuig [info@dataprotection.ie](mailto:info@dataprotection.ie).



Údarás na  
Gaeltachta

**Údarás na Gaeltachta**  
Na Forbacha, Co. na Gaillimhe,  
H91 TY22, Éire

[www.udaras.ie](http://www.udaras.ie)

Fón: +353 (0)91 503 100  
R-phost: [eolas@udaras.ie](mailto:eolas@udaras.ie)